

6. november 2025

UKA 2025/52

Inummut ulorianartorsiortitsisumik pinerluttarnerup meeqqat inuusuttullu 18-nit inorlugit ukiullit akornanni annertusigaluttuinnartup pinaveersaartinnissaa siunertaralugu, suliniutit suut aallartittariaqarnersut pillugit apeqquteqaat aallaavigalugu siunnersuut.

(Inatsisartunut ilaasortaq Bo Martinsen, Demokraatit)

Apeqquteqaat aallaavigalugu oqallisissiamik qaqitaqartoq Bo Martinsen, Demokraatineersoq qutsavigiumavarput siunnersuutaanut soqutiginartumut. Tamannalu Siumumiit imaattumik oqaaseqarfigissavarput.

Nunatsinni pinerluutit suulluunniit eqqarsaatigalugit nunarsuatsinni agguaqatigiisillugu pinerluuteqarnerpaasartunut ilaanerput piviusuuvoq unammilligassarujussuullunilu. Pilerluutit sakkortuut soorlu inoqammut toqutsinerit, toqutseriaraluernerit, pinngitsaaliinerit, meeqqanut kinguaasiutitigut atonerluineq aammalu inoqammut persuttaanerit tassaapput piviusumik ukiut tamarluinnaasa inuiaqatigiittut nalaatakkagut alianarluinnartut.

Tamakku tamaasa akiorniarnissaannut suliaqarniarnerup nalaani ajoraluartumik maanna aamma siunnersuuteqartup oqallisigerusutai, tassalu meeqqat inuusuttuaqqallu 18-it inorlugit ukiullit sakkortuumik inoqatinut pinerluttarnerisa takussaagaluttuinnarnerat annertusiartuinnarnerallu qanoq akiuiniarnerup issinnaaneraniq oqaluuserinnissinnaasariaqartut qaqippaa.

Piviusormi tassaavoq ukiuni kingullerni ukiukitsut sakkortuumik inoqatinut pinerluttarnerat, pingaartumik katunngussillutik annertuumik takussaalersimammat, ilaatigut piffinni qinikkat borgmesterillu aamma ajornartorsiutitut taallugit oqariartortarnerat aamma eqqarsaatigalugu.

Ineriartorneq taamaattoq annertuseqqunagu aammalu unitsilluinnarneqarnissaa anguniarlugu iliuuseqartariaqartugut Siumumi isumaqarpugut. Iliuuserineqartussat suulluunniit pitsaasut tamaasa atorfissaqartippagut. Taamatut oqarneq oqikkaluartoq takorluuisinnaasariaqarnerput aammalu iliuuseqartariaqarnerput avaqqunneqarsinnaanngilaq.

Siumumi isumaqarpugut siusissukkut iliuuseqartarnerit maannamut amerlasuutigit iluatsissinnaasartut nalilersoqqissinnaasariaqarigit, tassuunakkut nukittuffiit iluatsitsiffiusartullu suli nukittorsarnerisigit ajornartorsiut alliartuinnartooq pakkersimaartilersinnaagatsigu.

Pinaveersaartitsinermi suliallit nukittuut pisariaqartippagut aammalu politiit ikiortaallu pinaveersaartitsinermi nukissaqarluartut pisariaqartillutigit. Ilisimasatsituut sinerissami politiit ikiliartorput, tamannalu suliassanik nalinginnaasunik taamaallaat angummaffiulerneranik kinguneqarpoq, assersuutigalugu meeqqerivinni, atuarfinni, ungdomsklubбини timersortarfinni



allanilu susassaqtitsivinni pinaveersaartitsinernik nukinnik atuisinnaanerat killegaleraluttuinnarluni. Tamanna uggornarpoq nukittorsaqqittariaqarporlu.

Misilittakkammi ilaatigut aamma takutippaat politiit pinaveersaartitsinerup silarsuaannut pigaangata qanoq illoqarfimmut nunaqarfimmulluunniit pitsaasumik kinguneqartartoq, tamanna ilaatigut aamma uppersarneqarpoq aasaq Ilaqutariinnermut Peqqissutsimullu ataatsimiititaliap Nanortalimmi angalanerani politiit pinaveersaartitsinermi suleqataanerat eqqarsaatigalugu.

Naggataatigut, pinaveersaartitsineq pitsaanerpaq Siumumiit isumaqarfigisarput tassaavoq ilaqutariit peqqissut tunngaviusut, tassalu toqqissisimanartumik angerlarsimaffeqarnek, angajoqqaat suliffeqarlutik imminnut pilersortut, inuunermik peqqinnartumik ingerlatsisut il. il.

Taamaammat siusissukkut iliuuseqarnerup avataatigut ulluinnarni piffinni tamani inuunerissaarnissamik pitsaasumik sinaakkusersuinissaq pisussaaffigisarput atorluartariaqaripput Siumumi isumaqarpugut, innuttaasut sinerissami atugaat qulequttani suugaluartuniluunniit naligiinnerusariaqarput, taamaaliornikkut susassariaqatigiinneq nukittoq pilersinneqarsinnaammat.

Siumumiit oqaatigisinnaasarpassuaqaralualuta taamatut naatsumik tunngaviusumillu oqaaseqarpugut, neriuppugullu oqallinneq pitsaasoq ingerlanneqarumaartoq.

Anders Olsen, Siumut.